



Президент пәрменінен – нақты іске

Мемлекет басшысы Қасым-Жомарт Тоқаевтың су тасқыны салдарынан қалыптасқан ауыр жағдайға байланысты Үндеуінде қарғын судың салдарын жою бойынша атқарушы органдар тарапына нақты тапсырмалар берді. Қажетті шаралардың орындалу барысы облыс әкімдігінің аппараттық жиынында талқыланды. Бұдан өзге де өзекті тақырыптарға «дүрбі салып» қойсақ деген ниет таныттық...

рып жүргізілмек. Қаланың жүйе құраушы кәсіпорны «Қазакмыс» корпорациясының құрылымдық бөлімшелері. Өсудің жаңа резервтерін қалыптастыру үшін Балқаш қаласы аумағында Кеңқұдық учаскесінде сирек кездесетін металдарға іздеу жұмыс-



ҚАРАҒАНДЫ ОБЛЫСЫНЫҢ ӘКІМДІГІ

қала тұрғындарының өмір сүру сапасына оң әсер етеді. Сонымен қатар, 2025-2026 жылдарға арналған моноқалалардың жобаларын қаржыландыруға 45 млрд. теңгеге жуық қажеттілік бар. Бұл Абай қаласының Шахан кентінде, Теміртау қаласында және Балқаш қаласында магистральдық жылу және кәріз желілерін қайта жаңарту және салуға бағытталмақ.

Ерқанат КЕҢЕСБЕКҰЛЫ,
«Ortalyq Qazaqstan»

Тасқынға тосқын

Алдымен сөз алған төтенше жағдайлар департаментінің басшысы Мұрат Қатпанов өңірдегі жағдай тұрақты екендігі, барлық өзен-көлдерде су деңгейінің төмендегені байқалатынын хабарлады. Су қоймаларына ағын судың келуі де саябырсыған. Мұны космомониторинг деректері растайды. Артық суды ағызу амалдары Самарқан, Ынтымақ, Шерубай-Нұра су қоймаларында іске асырылды. Нұра және Осакаров аудандарының 9 учаскесіндегі өзендер аумағында мұзды қосыту әдісімен жарылыс жұмыстары жүргізілді. Облыс аумағын ұшып өтіп, 5 авиавизуалды зерттеу сараптамасы жүргізілді.

– Иә, баспананы су алу жайттары 20 елдімекенде орын алған. Шет ауданында төтенше жағдай жарияланып, Қайрақты, Ақсу, Красная Поляна елдімекендерінде кейінгі санақ негізінде 60-қа тарта үйлі су басқан. Ақтоғай ауданындағы Абай, Сарытерек, Қарасу, Нармамбет елдімекендерінде де ахуал күрделі болды. Шұғыл шаралар нәтижесінде қауіп сейілді. 8 елдімекен тұрғындарына «Қазавиаспас» тікұшақтарымен қажетті азық-түлік тасымалданды. Бұл орайда «Қазакстан халқына» және «Біз біргеміз» қайырымдылық қорларының үлесін атап өткен абзал. Бүгінде зардап шеккен үйлерді техникалық сараптау мен бағамдау шаралары іске асуда. Тасқыннан зардап шеккен жұртшылықтың қалыпты өміріне оралуы үшін қолдан келген шұғыл шараларды іске асырудамыз, – деп мәлімдеді Мұрат Касенұлы.

Жалпы, 2015 жылдан бастап, республикалық Жол картасы аясында әрі облыстық деңгейдегі инженерлік жұмыстар шеңберінде жүйелі негізде атқарылған ілімді істердің нәтижесінде 274 шақырымға бөгет пен білік тұрғызылып, нығайтылған. 104 шақырым аралығындағы дренаж және су бұру жүйелері қалыптастырылған. Ал, төтенше жағдай жарияланған Шет ауданының әкімі Мұхит Мұхтаров жағдайдың тұрақталғанын жеткізді. Кешелі-бері зардап шеккен отбасыларға бір реттік материалдық көмек көрсетілген. Зардап шығынын есептеу амалдары жүргізілуде.

Жолдар, жолдар...

Қарағанды облысының жолаушылар көлігі және автомобиль жолдары басқармасының басшысы Мақсұт Кожанов аймақ жолдарының ағымдағы жай-күйіне тоқталды.

– 25 наурыздан бермен қарайғы уақыт аралығында 61 рет судың жол жиегіне шығып кету жайттары және 11 мәрте жолды шайып кету оқиғасы тіркелді. Қазірде мердігерлер күшімен олқылық орнына келуде. Киевқа, Қараой елдімекендерін су алмас үшін ондағы автокөлік жолының төсемінің бір бөлігін су ағынын бұру мақсатында оюға тура келді. «Ақсу-Аюлы-Ақтоғай», «Ақадыр-Мойынты», «Ақтау-Бастау» бағыттарындағы жол бөліктері қалпына келтірілді, – деп ведомство басшысы.

Бұдан бөлек, бүгінде 8 автожолда қалпына келтіру жұмыстары жалғасуда. Оның ішінде бір облыстық маңызы бар, 7 аудандық маңызы бар жол бар. Ендігі жылға тастүйін даярлану үшін 72 учаскеге су өткізгіш жол құбырларын орнатқан маңызды деп ой тұжырыды спикер.

Баяндамашылардың мәліметтерін ой елегінен өткізген облыс әкімі бұған дейінгі уақытта тиімді істер легінің атқарылғанын бағамдай келе, әлі де осал нүктелердің барлығына назар аударды. Сондықтан, құзыретті мекемелерге аудан, қала әкімдіктерімен бірлесіп, инженерлік жұмыстар жоспарын тағы да жетілдіріп, жаз маусымында іске асыру қажеттігін тапсырды. Екіншіден, барлық бөгет пен



Суреттер шыққан жері: Ақмола облысы

гидротехникалық құрылыстар жағдайын тағы бір рет талдап, тексеру қажеттігін, тасқынмен күрес жоспарына енгізу керектігін қаперге салды.

– Үшіншіден, әр ауылды аралап өтіп, ахуалын нақты анықтап, мал басының шығынын есептеу кезек күттірмейді. Апта соңына дейін мал шығынын тайлы-туяғына дейін толығымен өтеу қажет! Бұдан бөлек, үй жайларының техникалық сараптамасы алынған соң аудан әкімі әр отбасымен бетпе-бет кездесіп, өтем толыққанды төленсін. Салынатын үй салынып, сатып алына басына сатып алынады! Мен өзім жұртшылықпен жүздестім. Президент тапсырма берді. Ал, біз оны ойдағыдай орындауға міндеттіміз, – деп қадап айтты облыс әкімі Ермағанбет Бөлекпаев.

Моноқала мәселесі

Ендігі келелі мәселе Мемлекет басшысының тапсырмасы негізінде қалалар мен аудандарды абаттандырумен айналысу. Моноқалаларды дамыту. Республика көлемінде орналасқан 20 моноқаланың 4-еуі Қарағанды облысына тиесілі. Теміртау, Балқаш, Шахтинск, Абай. Моноқалаларды дамытудың негізгі тетіктері Қазақстан Республикасының 2025 жылға дейінгі аумақтық даму жоспарында айқындалған. Сондай-ақ, 2022 жылдан бастап, моноқалаларды дамыту бойынша жол картасы іске асырылуда. Бұл турасында облыстық экономика басқармасының басшысы Татьяна Аблаева кеңірек баяндады. Спикердің сөзінше бүгінде бұл бағытта инфрақұрылымдық және көліктік қамтамасыз етуді, экологиялық жағдайды жақсарту, білім беру мен денсаулық сақтауды дамыту бойынша кешенді іс-шаралар жүргізілуде. Мәселен, былтыр ғана экономиканы әртараптандыру бойынша жүргізілген ауқымды жұмыс нәтижесінде Саран қаласында, 2021 жылы «Саған» индустриялық аймағы іске қосылып, табысын еселеп, бірқатар ірі зәкірлік жобалар іске асырылды. Сонында шаһар Қазақстан Республикасы Экономика Министрлігінің бұйрығымен моноқалалар санатынан ресми негізде шығарылды. Экономиканы әртараптандыруды одан әрі дамыту мақсатында моноқалаларды дамыту және қолдау келесі стратегиялық бағытта өрістеуде.

Алғашқысы, Қарағанды агломерациясы құрамындағы моноқалаларды дамыту арқылы. Аты аталған шаһарлар көліктік қолжетімділікке, өзара байланысқа, бірыңғай еңбек нарығына, өндірістік және әлеуметтік-мәдени функционалдық байланыстарға ие. Моноқалаларда Қарағанды агломерациясы құрамында қала құраушы кәсіпорындармен әріптестікте экономика құрылымын әртараптандыру жөніндегі құралдар қолданылады. Мәселен, 2028 жылға дейін 3,5 млрд. АҚШ доллары көлемінде инвестиция құйып, болат өндірісін 5 млн. тоннаға дейін ұлғайтып, өндірілетін болат маркалары мен шығарылатын өнім сорттарын кеңейту межесі тұр.

Барлау

Балқаш қаласын дамыту қаланың бекітілген Кешенді даму жоспары мен туризм саласындағы әлеуетті ескере оты-

тары жүргізілуде.

– Моноқалалар экономикасының құрылымын әртараптандыруға және қала құраушы кәсіпорындармен өзара іс-қимылға келетін болсақ, шағын және орта кәсіпкерліктің 874 кәсіпорны логистика, құрылыс, қоғамдық тамақтану және басқа да қызметтер саласындағы ірі компаниялардың өндірістік және тұтыну қажеттіліктеріне жұмыс істейді. 41 кәсіпорын локализацияланды және «Qarmet» АҚ мен «Қазакмыс корпорациясы» ЖШС кәсіпорындарымен 85 млрд.теңгеге тиісінше шарттар жасалды, онда 7,1 мың қызметкер жұмыс істейді. Жергілікті мазмұн үлесін дамыту бойынша өзара

ынтымақтастық туралы меморандумдар аясында былтыр 90 жергілікті тауар өндірушінің 141,4 млрд. теңгеге тапсырысы қамтамасыз етілді, – деп баяндады Татьяна Юрьевна.

Моноқалаларда 857 жұмыс орын құрумен 56,5 млрд. теңгеге 7 зәкірлік жоба іске асырылуда. Кәсіпкерлікті қолдаудың бірыңғай кешенді бағдарламасы шеңберінде биылдан бастап моноқалалар үшін 7%-дық кредиттер бойынша пайыздық мөлшерлемені субсидиялау көзделген. Ағымдағы жылы моноқалалардың кәсіпкерлері 1,3 млрд. теңге несие сомасына 19 жаңа жобаға несие алды.

Жалпы, жүргізіліп жатқан жұмыстар

ӨҢІРЛЕРДІ ДАМУ

МАҚСАТ ПЕН МІНДЕТ

81 %

Облыс халқы 1 135 411 адамды құрайды. Бұл ретте халықтың 81 пайызы – қала тұрғыны

Саран қаласы Қазақстан Республикасы Экономика Министрлігінің бұйрығымен моноқала санатынан ресми негізде шығарылды

Республика көлемінде орналасқан 20 моноқаланың 4-еуі Қарағанды облысына тиесілі. Теміртау, Балқаш, Шахтинск, Абай

100 %

Президент 5 жыл ішінде қалалар мен ауылдарды 100% ауызсумен қамтамасыз етуді тапсырды

97 %

Тұрғындардың 97,8%-ы сапалы ауызсумен қамтамасыз етілді

65 %

Сумен жабдықтау желілерінің тозуы 65% көлемінде

Моноқалаларды дамытудың негізгі тетіктері Қазақстан Республикасының 2025 жылға дейінгі аумақтық даму жоспарында айқындалған

Инфографика жасаған Е.Кеңесбекұлы



